



ԽԱԶԱՏՈՒՐ ԵՒ ԵՂԻԱԶԱՐ

ՎԵՀԱԶՆԵԱՅ ԻՇԽԱՆՔ ԼԱԶԱՐԵԱՆՑ

Հեռագիրն գուժեց, զի Վսեմափայլ Խաչատուր և Եղիազար իշխանք Լազարեանց մահկանացու կենաց ընթացքները կնքեցին՝ առաջինն 9-ն ամսոյս ի Ս. Պ. Բուրգ, և միւսն՝ ի 14-ն անցեալ Հոկտեմբեր ամսոյ ի Պրիիւսէլ մայրաքաղաքն Պէյժիոյ, որով ի խոր սուգ համակեցին զընտանիսն և զազգականսն, և ոչ սակաւ տրտմութեանց առիթ եղան համայն եռանդուն և զգայուն Հայորերոյն:

Պարտուպատշաճ մեծարանօք և մեծահանդէս յուղարկաւորութեամբ Եղայ Խաչատուրոյ հանգուցելոյ մարմինը ամփոփելոյ համար ի դամբարանի նախնեաց՝ Վ. Ե. Հ. Հայրապետն հեռագրեց Հոգեւոր Կառավարութեան Ս. Պետերբուրգի:

Լազարեանց հռչակաւոր տոհմին նախնեաց անղուղական բարերարութիւնք և երախտիք՝ մանաւանդ Լազարեանց անուանեալն Հայոց մեծ ճ'եմարանն՝ Ս. Պ. Բուրգոյ և Սոսկվայի Հայոց Եկեղեցիք՝ — որք նոցին առատաձեռն և մեծագումար նպաստից և նուիրաբերութեանց անմահ կոթողք են, — գրեթէ համայն Հայ ազգիս երախտագիտութիւն և համակրութիւն զբաւած են յինքեանս, որոց և արժանաւոր ժառանգք և սերունդք յաւէտ մեծ պատուովք և ակնածութեամբք մեծարուած են ի Հայկազանց, և ի նշան եռանդուն համակրութեանց և շնորհապարտութեանց՝ լուսահոգի Ս. Հայրապետք մեր թէ Լազարեանց ճ'եմարանի և թէ Եկեղեցեաց Հոգաբարձութիւնքը ըստ ամենայնի յանձնած էին Լազարեանց տոհմին որդւոց յորդիս, որոց դժբաղտարար վերջինք եղան հանգուցեալ Խաչատուր և Եղիազար իշխանքն:

Յիշեալ երկուց հանգուցելոց անձնական արժանիք և բարեմասնութիւնք բազում են, պատուեալ յազգայնոց և օրհնութեան Կոնդակօք Ս. Կաթողիկոսաց, և պերճացեալ քաղաքական աստիճանօք, և զանազան տէրութեանց շքանշանօք՝ ի տրիտուր բարի գործոց և աշխատութեանցն:

Ուստի ի 19 ամսոյս յաւուր Կիւրակէի զկնի Ս. Պատարագի Վ. Ե. Հ. Կաթողիկոս կատարեց մեծահանդէս հոգեհանգստեան պաշտօն ընդ համայն ուխտի միաբանութեանս վասն հոգւոց հանգուցեալ իշխանացն, յորում աւուր և Ս. Պատարագն յատկապէս մատուցաւ ի Ս. Սեդան Իջման Տեղւոյ:

Բարեմաղթեմք՝ զի Բարերարն Եստուած լուսաւորեսցէ զհոգիս հանգուցելոցն՝ արժանաւորելով երանաւէտ անմահ կենաց և անթառամ վայելչութեանց երկնից Ս. Երթայութեան:

Հոգին Սուրբ մխիթարիչ լիցի Եզնուափայլ Տիկնոջն՝ Համեստափայլ Դատերացն և Պերճափառ փեսայիցն և համայն սգազգեաց ընտանեացն: